

Hiberniæ III. Tabula, in qua Momonia & Lageniæ reliqua.

CONNACIA.

Regio.
Nomina.

Soli qualitas.

Imperium majorem.

Opida.

CONNACIA secunda Hiberniæ pars, aliis *Connachtia*, Anglis *Connagh*, & Hibernis *Connaghtry* dicitur. Ad Occalum vergit, Seno flumine, *Banna*, & Oceano inclusa. Hanc antiquitus Ptolemæi ætate *Auteri* & *Nagnata* totam infederunt. Tam arcta verò cognatio inter *Nagnatas* & *Connaghtry* intercedere videtur, ut vel *Connaghtry* inde enatum, vel hoc nomen *Nagnata* à *Connaghtry* detortum existimare liceat. Nisi quis à *Nagnata* portu cujus meminit Ptolemæus *Connaghtry* factum suspicetur, & inde regioni nomen impositum. Portus enim *Cuon* patria lingua dicitur, cui si addas *Nagnata* à *Connaghtry* non multum abluder. Cæterum regio ut alicubi lata, & ferax, ita subuvidis quibusdam locis, herbidis tamen, quos à mollitie *Boghies* appellant, ut reliqua passim Insula, periculosa, & sylvis opacioribus & crebrioribus condensa. Ora autem maritima multis sinubus, & navigabilibus alveis pervia accolas ad navigationes quodammodo invitat, & provocat, sed innata desidiæ dulcedo ita detinet, ut ostiatim malint victum quærere, quàm honestis laboribus paupertatem repellere. In Hibernicis proditum est historiis *Turloghum O-mor O-conor* huic regioni cum Imperio olim præfuisse, totamque inter duos filios, Cahelum, & Brienum divisisse. Advenientibus vero in Hiberniam Anglis Rothericus præfuit, qui Hiberniæ Monarcham se dixit, sed ille mole Anglici belli imminentis territus se in Henrici nostri secundi fidem, non tentata Martis alea, contulit. Cum autem statim à fide deficeret, Milo Coganus primus Anglorum Connachtiam, sed irritò incepto, aggressus est. Postea Guilielmus filius Aldelmi, cujus posterius de *Burgo*, & *Bourki* Hibernice vocantur, Gilbertus de *Clare* Comes Glocestrensis, & Guilielmus de *Birmingham*, primi Anglorum hanc regionem perdomuerunt, & ad humanitatem imbuerunt. *Bourkus* vero sive de *Burgo*, & eius posterius totius Connachtia Domini appellati, hanc Provinciã cum Ultonia diu summa tranquillitate administrarunt, & opimos redditus collegerunt, donec unica Richardi de *Burgo* filia Connachtia, & Ultonia ex assè hæres elocata fuerat Leonello Clarentia Duci Regis Edvardi tertii filio. Cum autem ille in Anglia ut plurimum hareret, & qui illi successerunt Mortuomarii, patrimonium in Hibernia negligentius haberent, *Bourki* affines, quos illi suis terris præfecerunt, Dominorum absentia, & turbulentis in Anglia temporibus freti, contempta legum autoritate, inita cum Hibernicis societate, & contractis nuptiis, universam Connachtiam sibi occuparunt, & paulatim degenerantes, Anglico cultu deposito, Hibernicos mores induerunt. Hodie in sex comitatus distribuitur: *Claria*, *Letrimme*, *Galveia*, *Roscomin*, *Maio*, *Sligo*. Sunt etiam in hac Baro de *Atterith*, Baro de *Clare*, & alii. Est hic *Galveia*, opidum ab exteris negotiatoribus valde frequentatum, & opulentis mercatoribus suumque negotium bene gerentibus cumulatam. Ferunt Mercato-rem transmarinum qui habuit cum his opidanis commercium, olim percunctatum ex Hiberno quodam, in qua *Galveia* parte Hibernia consisteret? Opidum pro regione, contraque Insulam pro municipio accepit. *Galveia* annumerantur *Anneria*, *Claria*, *Shogaia*, *Aretlonia*, & *Alonia*, opidum non contemnendum.

Auteri